



SIARAN MEDIA KEMENTERIAN PERTANIAN DAN KETERJAMINAN MAKANAN

SESI LIBAT URUS ANTARA KEMENTERIAN PERTANIAN DAN KETERJAMINAN MAKANAN (KPKM) BERSAMA PENGILANG DAN PELESEN MEMBELI PADI DALAM MENANGANI ISU PEMUTUAN PADI YANG TINGGI

ALOR SETAR, 30 JANUARI 2026 – Kementerian Pertanian dan Keterjaminan Makanan (KPKM) memandang serius isu pemutuan padi memandangkan pesawah merupakan tulang belakang dalam memastikan agenda keterjaminan makanan negara terpelihara. Kadar pemutuan yang tinggi tidak hanya menjejaskan pendapatan pesawah, malah berpotensi mengganggu keseimbangan keseluruhan ekosistem industri padi dan beras negara.

Justeru itu, KPKM telah mengenal pasti faktor yang menyumbang kepada kadar pemutuan yang tinggi dan telah mengambil langkah segera bagi mengatasi isu ini. Langkah jangka panjang juga sedang dirangka mengambilkira input dari semua pihak berkepentingan.

KPKM menegaskan bahawa isu pemutuan padi dan pemeraksanaan industri beras tempatan memerlukan kerjasama berterusan dan komitmen keseluruhan semua pihak dalam ekosistem industri padi dan beras iaitu Kerajaan, pesawah, pengilang dan pemborong agar setiap dasar dan keputusan yang dilaksanakan adalah adil, seimbang serta menyokong keterjaminan makanan negara secara mampan.

Dikeluarkan oleh:

KEMENTERIAN PERTANIAN DAN KETERJAMINAN MAKANAN

